


**Nunat Aqqinik Aalajangiisartut
tallimannngorneq novembarip aappaanni 2012-mi
Oqaasileriffimmi ataatsimiinnerat**

Peqataasut.: Carl Christian Olsen, Abia Abelsen aamma Stephen Heilmann.

Peqataannngitsoq: Lotte Holm peqataannngilaq. Tukummeq Qaavigaq aallaqqanini pissutigalugu peqataannngilaq.

Allatsi: Lisathe Møller Kruse

1. Tikilluaqqusineq
2. Imaqarniliat akuerisassatut saqqummiunneri (*oktobarip tallimaanni 2012-mi oktobarillu 15-anni 2012-mi ataatsimiinnermit imaqarniliat*)
3. Tuttu Gletscher kalaallisut ateqarnersoq pillugu
4. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Imaqarniliat marluk akuerisassatut saqqummiunneqarput.

Oktobarip tallimaanni 2012-mi imaqarniliaq akuerineqarpoq, imarisai tassaallutik tunumi nunat aqqi nalunaarsukkat. Filimilu ima atilimmiipput: Tunumi nunat aqqi akuerisat.xls.


Oktobarillu 15-anni 2012-mi ataatsimiinnermit imaqarniliaq akuerineqarportaaq, imarisai tassaallutik Qaanaami nunat aqqi nalunaarsukkat. Filimi ima atilimmiipput: Qaanaap eqqaani nunat aqqi akuerisat.xls.

Nunap aqqa ataaseq akuerineqanngikkallartoq tassaavoq nalunaarsugaataareersut malillugit “*Arpitsaq*”-mik ateqartutut nalunaarsoqqasoq, nunalli aqqinik ilisimasallip “*Arpartsaar*”-mik ateqarneragaa. Nunap aqqa taanna kangerliumaneq Tasiilap illoqarfianiippoq Hans Josvassenimullu apeqputigisassaalluni.

Nunat aqqinik ilisimasalinnut apeqputigisassatut aalajangiunneqartoq alla qeqertaarannguaq ilisimasassarsiortup Kanep ilisimasassarsiormermini “*Hans Ø*”-mik atersimasaa, Nunalli Aqqinik Aalajangiisartunit nalunaarsugaatigineqanngitsoq pillugu nunat aqqinik ilisimasallit aperineqassapput pineqartoq kalaallisut ateqarnersoq. Qeqertaarannguaq taanna Kalaallit Nunaata avannaarsuaniittup inoqarfitoqaasimasup “*Iita*”-mik atillip avannaatungaaniippoq qeqertat marluk “*Pikiuliarsuk*”-mik atillip kiisalu “*Pikiulersuaq*”-mik atillip eqqannguaniilluni.

3. pillugu –

Illoqarfiup pisortigoortumik “*Illoqqortoormiut*”-nik ateqartup tunumi nunat aqqinik nalunaarsuiartortoqareernerata kingorna uppersarneqarpoq inuisa “*Ittoqqortoormiit*”-nik taagoraat. Tasiilami Kommunimut paasiniaareernerup kingorna uppersarneqaqqippoq namminneq “*Ittoqqortoormiit*”-nik taagoraat. Taamaattumik Nunat Aqqinik aalajangiisartut aalajangerput illoqarfik pisortatigoortumik “**Ittoqqortoormiit**”-nik ateqalissasoq.



Illoqarfiup allanneqartarnerata pisortatigoortumik allanngortinneqarnera ukununnga paasissutissiissutigineqassaaq:

- Kort og Matrikelstyrelse
- KANUKOKA
- Nunamut Allamut Namminermut Naalakkersuisoqarfik
- Kommuneqarfiit tamarmik

Carl Chr. Olsen
Siulittaasoq

Lisathe M. Kruse
Allatsi